

TENTAMEN MEDICUM

An Erysipelati topica.

QUOD Deo duce & auspice Dei-parâ in Augustissimo Ludovico Medico Monspeliensi tueri conabitur.

A U C T O R

GUILLELMUS-HILLARIUS TARDIEU, ex urbe Port Ste. Marie apud Aginenses, Liberalium Artium Magister, nec-non Saluberrimæ Facultatis Parisiensis, almæque Universitatis Medicinæ Monspeliensis jam-dudum alumnus.

Pro Baccalaureatus Gradu consequendo.



MONSPELII,

Ex Typis JOSEPHI-FRANCISCI TOURNEL, Universitatis Medicinæ
Typographi & Bibliopolæ.

M. DCC. XC.

AU MEILLEUR DES PÈRES

ET A LA PLUS TENDRE DES MÈRES,

Vous avez élevé mon enfance , depuis le jour qui me vit naître , vous n'avez cessé de me faire ressentir l'influence de vos bienfaits ; aussi mon cœur est-il pénétré d'une reconnoissance immortelle. Daignez , je vous prie , recevoir ce premier essai comme un foible hommage que j'offre à l'amitié , à la tendresse , dont vous m'avez donné de si grandes preuves , & au respect avec lequel j'ai l'honneur d'être ,

Votre Fils très - obéissant

& très - soumis ,

TARDIEU.



T E N T A M E N M E D I C U M

An erysipelati topica.

ERYSIPELAS est morbus inflammatorius febre, calore & dolore pungitivo stipatus. Tumor erysipelatosus diffusus est non circumscriptus : cutis tenera ac lucida. Tangente digito, cessit rubor, & remoto digito pristinam pars recuperat formam, pristinumque ruborem. Pulsus in invasione celer atque durus, in decursu pressus, & in fine mollis ac expeditus. Intra quatuor dierum spatium, suum exercet cursum morbus; dein valdè imminuit & squammatim decidit.

Sed erysipelatum decursus exitusque non semper erunt æque felices; sæpè contrà præ se ferunt gravissimas calamitates. Tuncque æger frigore & tremore corripitur, quibus succedit calor urens & intolerabilis, cephalalgia, præcordiorum anxietates, torpores, soporesque continui. Attamen dum tumor ad finem vergit, æger quietus fit, atque sensim mala evanescunt symptomata.

Etiamfi erysipelas in omnibus corporis partibus sese præbere possit, attamen partes superiores ante alias obsidet, videlicet faciem, nares, collum, brachia, &c. Tunc adest in illis partibus calor urens & dolor pungitivus. Quando afficitur caput, sub nascitur cephalalgia; occluduntur oculi, palpebræ tumescunt, livescunt, & etiam pus aliquando exprimunt. Nullæ dantur ægro dolorum induciæ, tumefacta sunt labra & sæpè pustulis onusta; sitis magna, os fætidum exhalet odorem; tumor sensim frontem, aures, collum occupat: in illo casu morbus in longum protrahitur, gravior fit febris, afficitur cerebrum, delirium adest, & jam vitæ metam tangit æger, nisi opportunè succuratur. Sic vidi in nosocomio Charitatis Parisiensis, hominem ferè strangulatum à tumore erysipelatoso in collo enato, & symptomatibus jam enunciatis stipato. In hoc instanti casu diaphoretici valdè profuerunt. Non rarò videre est cutim pustulis interstinctam quæ serositate turgent, ut facilè observari potest in pustulis unctione productis. Quando vehemens est morbus, per plures dies, octo circiter, decem vel duodecim in eodem statu protrahi potest. Interim cutis admodum arida remanet, & etiam exsiccatae sunt fauces: denique terminatur morbus copioso sudore, frigoris horroribus, spasms, anxietatibus plerumque præcesso. Quando ad suppurationem vergit ille morbus, (quod tamen rarò evenit) semper pessima est illa suppuratio, testante celeberrimus *Tiffot* (1), quia facilè in fædissimis ulceribus mutari potest.

Erysipelas ob suam materiei mobilitatem, metastases experiri potest, dum ab exterioribus ad interiora fiunt, ferè mala sunt. Aliquandò hic morbus diversas partes cum incredibili celeritate perlustrat, sed illæ mutationes ut malum omen videri non debent, modo ut ad exterius semper exequantur.

Erysipelas dividi solet in idiopathicum & in sympathicum. Sympathicum vero aliis morbis antiquis succedit.

Causæ hujus morbi vel externæ vel internæ sunt. Externæ dicuntur illæ omnes quæ in cute violentam irritationem producere possunt. Aër nimis frigidus aut aër nimis calidus quandam corporis partem vehementer percutiens erysipelas producere potest, sicut etiam insectorum morsus, substantiarum irritantium contactus, &c.

(1) *Tiffot*. Voyez Avis au Peuple, ch. XIX. p. 303.

Causæ internæ vel à vitio perspirationis, vel ab humorum depravatione nasci possunt. Si pueros hic morbus præcipuè obsidet, id evenit ex eo quod illorum cutis magis transpirationis effectus experitur. Si seniores potius quam juvenes ferit erysipelas, id pendet ex eo quod in senibus cutis est nimis rigida, & non sunt satis permeabiles porulorum aperturæ. Vita intemperans, liquorum ardentium, spirituosorum, ciborum sale nimis & aromatibus conditorum abusus, semper ad affectum illum disponunt. Ferè omnes auctores recentiores agnoscunt, materies biliosas præbere ansam erysipelati, & hæc opinio tanto magis mihi innixa videtur, quod indicationes curativæ quas offert, semper sunt utiles.

Erysipelate descripto, symptomatibus, divisionibus & causis hujus morbi jam enunciatis, facile agnoscuntur genium, indoles & natura. His positis, ad præcipuum scopum nostrum festinanter progrediamur.

Topica, apud Medicos & Chirurgos dicuntur variæ substantiæ quæ ad cutim immediatè applicatæ, varios producunt effectus. Ex illâ generali definitione clarè patet immensam esse topicorum classem, & hac ratione in illis enumerandis non immorabor, sed tantum pauca dicam de illorum effectibus.

Substantiæ quæ vulgò sub topicorum nomine designantur, varios & peculiares effectus exerunt pro earum varietate peculiari indole, energiâque. Hæc est saltem ratio, juxta quam Medici illis utuntur in curatione morborum. Ubi itaque stimulari unam partem necesse arbitrantur, acres substantias ipsi applicant, & inter illas eam seligunt quæ majori minorive acredine donatur, prout plus vel minus partem stimulare volunt. Ubi maturandus, ut aiunt, tumor & in pus colliquandus applicantur substantiæ quæ observatio huic naturæ operi favere comperuit. Si tam gravis sit dolor ut eum mitigare utile credat Medicus, tum parti admoveri jubet cataplasmata anodyna, sedantia, &c. Ubi pars una languescit & vi ac tono egere videtur administrantur interiùs tonica, & pars debilis spirituosus vel aromaticis liquoribus, vel etiam aliis substantiis quæ tonum restituere possunt, circumdatur. Innumerabilia, ut diximus, assignari possent topica, quibus variæ virtutes attribui debere videntur propter varios effectus quos producunt. Sic millena dantur emplastra, unguenta, oleosa, pinguedinosa, balsama, combinationes, mixtionesque variæ, lessivæ, &c.

Certè licitum foret Medico virtutes & qualitates topicorum collaudare, si ipse effectus & modum agendi cuique substantiæ proprios, posset demonf-

trare. Sed natura opera sua tanta nube circumvolvit, ut nihil certum in hac re sicut in plerisque aliis habeamus. Non parvisaltem foret, si constantes semper eosdemque effectus in circumstantiis analogis eadem substantiæ producerent. At verò dubium non semel relinquere debet, qui topicorum applicationes producere volet. Nonnumquam enim accidit, ut non solum solitum effectum non exhibent topica, sed aliquando ferè omninò contrarium; & cum dicitur topica emollientia resolventia indicari, intelligi debet tales effectus producere substantias quasdam & in diverso gradu, non in omnibus sanè casibus, sed in majori circumstantiarum numero in quibus fuerant applicatæ. Sic quandoque veneram testiculi intumescentiam aquæ vegeto mineralis topica applicatione fugatam videre contigit, dum topicum idem in aliâ occasione sub iisdem circumstantiis adhibitum, ita induravit tumorem, ut schirrosus ab hînc unâ cum spermatico fune remanserit testiculus. Ex hæc & aliis observationibus, mihi licebit asserere, debiles admodum & accessorias opes semper à topicorum applicatione spectari debere; nec probè artem medicam exerceret ille, qui in istis nimium confidens auxilia propria ad debellandos morbos negligeret. Ergò dubia est topicorum virtus.

Licet verò non cognoscimus modum agendi topicorum, nec oculi nostri naturæ arcana detegere possint, attamen topicorum effectus externos possumus considerare, & ex illis utilitatem percipere ad stabiliendam opinionem nostram. Substantia in genere ad cutim applicata in se ipsâ producere debet effectum ad instar massæ, densitatis ejusque consistentiæ. Si illa substantia solida sit atque ponderosa, partem opprimet, vasorum tonum destruet, excretiones turbabit. Laminæ cujuscumque metalli ad cutim applicatæ eundem producunt effectum. Si illa substantia minus solida, minus ponderosa, sed indolis fluidæ super partem imponitur, oppressio & deformatio minores erunt, transpirationis etiam excretio difficilior erit, si hæc ultima substantia ad foramina porulorum exhalantium applicatur unguenta, emplastra, hunc producunt effectum & interpiunt excretiones partium ad quas applicantur substantiæ oleosæ, pinguedinosæ, & aliæ quæ cum aquâ nullam habent affinitatem. Hujus effectus necessitatem demonstrat ratio, & ratione validior confirmat observatio.

Ex dictis, sequitur actionem mechanicam & constantem topicorum debere necessario produci; sed hujus actionis effectus subsequentes erunt circulatio-

nis impeditio, vasorum ingurgitatio, excretionum retentio, retropulsio, &c. Ex his generalibus de topicis considerationibus, & ex illorum effectuum peculiari examine, concludere mihi licebit topicorum vim actionis, sive mechanicè, sive occultè, sive specificè agant, ab exterioribus ad interiora determinari.

Ex supra dictis in descriptione morbi clarè apparet, erysipelas generari ab humore improbo sive acris, sive nocivæ cujuscumque indolis, aquo natura se liberare conatur, illum humorem pellendo à centro ad peripheriam corporis, & per porulorum aperturas hujus excretioni favendo. Itaque sagax clinicus varia auxilia, diversis circumstantiis idonea naturæ suppetabit, ut felices effectus obtineat. E certò sciet nullum existere topicum tanta virtute donatum, ut ab interioribus corporis ad exteriora humorem illum expellere possit; quin è contra applicatio harum-ce substantiarum retropulsionem illius humoris producere poterit ab exteriori ad interius, quæ retropulsio sæpissimè lethalis fiet à Medici imprudentiâ. Qui certè illas rarissimè tentabit applicationes, nisi apprimè harum usus indicetur.

Etiam si meo sensu, in curatione erysipelatis ferè numquam applicanda sint topica, attamen libenter fateor, circumstantias quasdam existere in quibus applicatio topicorum valere potest. At verò illæ circumstantiæ nobis rarò offeruntur, & aliundè illæ applicationes non adhiberi solent, nisi in accidentibus qui morbum male curatum sequuntur. Tum suppuratio quæ apparet, frequenter periculosa fit, & in fædissimis ulceribus degenerare potest. Necessum est igitur, ejus nocivam indolem mutare utendo remediis convenientioribus, qualia sunt v. g. suppurantia cum aliis medicaminibus qui putredinem impedire possunt, sejuncta. Altera circumstantia in quâ utilis fieri potest applicatio illa, est, quando humor ille retropulsus ad organum quoddam vitale defertur, v. g. ad pulmones. Tum vesicantia & cauteria præcipuè primum obtinent locum, & remediorum interiorum effectus adaugere possunt. Tertia demùm circumstantia & sine dubio ultima est, dum erysipelas diffusior atque profundior sit, & ad gangrænam tendit, quod à colore lividâ atque atrâ cognoscitur; tunc præter medicamenta interna inflammationis progressus impediunt, fomentationes substantiarum spirituosarum, applicationes roborantes ad illum scopum conducunt; quales sunt fomentationes ex kinâ, aqua calcis, aqua vitæ camphorata, aqua vegeto mineralis, &c. Hæ sunt tres circumstantiæ

in quibus tantummodo valere possunt applicationes topicæ, sed hic notabo illas circumstantias esse solum accidentia morbi male curati subsequencia, hinc evidenter patet, exceptiones harum-ce trium circumstantiarum non posse meam opinionem evertere, nec impedire, quo minus contra topicorum usum istam conclusionem asseram, quod in curatione erysipelatis non valeant topica. *Ergo non erysipelati topica.*



ARGUMENTABUNTUR

ILLUSTRISSIMI PROFESSORES REGII

D. PAULUS-JOSEPHUS BARTHEZ, *in sacro Consistorio
Consiliarius, Universitatis Cancellarius.*

D. GASPARDUS-JOANNES RENÉ, *Decanus.*

D. ANTONIUS GOUAN, *Pro-Decanus.*

D. FRANCISCUS BROUSSONET.

D. FRANCISCUS VIGAROUS.

D. HENRICUS-LUDOVICUS BRUN.

D. HENRICUS FOUQUET.

D.